

1251 octubre 26

*Pere de Rovira, la seva esposa Guillema i el seu fill Esquert, firmen la venda del mas Rovira de Cruilles, feta per Ferrer de Cruilles a l'abadessa Berenguera de Sant Daniel, de la qual esdevenen personnes pròpies, i a la qual prometen satisfer les prestacions del mas, que hom enumera.*

ASD núm. 155, perg. orig., 350 x 220 mm, que conté també l'escriptura següent, carta partida.

Sit notum cunctis quod ego Petrus de Rouira, de parrochia Sancte Eulalie de Crudiliis et uxor mea Guielma et filius noster Esquerdus facimus hoc presens instrumentum in posse tui Bernardi de Impuriis, accipiens illud pro domina abbatissa Sancti Danielis, in quo instrumento uolumus, concedimus et confirmamus domine Berengarie, Dei gratia abbatisse Sancti Danielis et conuentui eiusdem loci in perpetuum totam illam uendicionem quam Ferrarius de Crudiliis et mater sua Dulcia et filius eius Ferreronus eidem abbatisse et monasterio Sancti Danielis et conuentui eiusdem fecerunt de personis nostris et de manso nostro de Rouira et de honoribus et possessionibus ipsius mansi et de censibus et agradis et dominiis ipsorum omnium, que omnia ab ipsis uendoribus dicta abbatisse emit pro precio .MDCCL. solidorum barchinonensium, ut in instrumento empacionali melius continetur. Et racione ipsius uendicionis, consilio et uoluntate ipsius Ferrarii de Crudiliis et matris sue Dulcie et Ferreroni filii eius, recognoscimus esse homines proprios dicte abbatisse et monasterii Sancti Danielis et conuentus eiusdem loci presentis et futuri, et promitimus quod erimus semper fideles et legales dicto monasterio de corpore et auere et rebus et bonis ipsius monasterii in omnibus et dictam dominam abbatissam et conuentum eiusdem monasterii presentem et futurum semper clamabimus per dominum, et non aliud, et promitimus dicte abbatisse et conuentui eiusdem semper dare et facere agraria et census et seruicia et alia omnia consueta que pro nostro manso et honoribus eius fieri debent, sicut melius ipsa omnia nos et antecessores nostri dictis uendoribus et suis antecessoribus fecimus et facere consueimus, et ad hec facienda et complenda obligamus dicte abbatisse et conuentui eiusdem monasterii mansum et honorem nostrum · que per dictum monasterium racione dicte uendicionis tenemus et personas nostras et heredes nostros. Et ecce census quos facimus, scilicet .XL. migras uini ad mensuram consuetam de meliori uino quod habeamus sicut exit de tina et .XIII. solidos et .III. denarios in denariis barchinonensis huius monete duppleni annuatim inter Natale et Cames ablatas et unam migram frumenti ad mensuram de Monellis infesto Sancti Felicis, et preterea pro questia .III. migras bladi sicut de area leuatur, quam questiam dicta abbatisse et conuentus eiusdem presens et futurus non possit nobis et nostris ulterius excedere, nec nos possimus eam questiam diminuere. Et damus pro agrario de medietate clausi ante portam mansi uersus meridiem quartum, et de alia medietate residua ipsius clausi tascham et braciaticum, et similiter de clauso supra mansum uersus circium, et damus

de aliis terris quas pro ipsis uendoribus tenebamus, quas pro dicto monasterio tenebimus, tascham et braciaticum, exceptis honoribus de Closela, ratione quarum damus dictum uinum ut supra dicitur et nichil aliud pro censu et agrariis.

Actum est hoc .VII. kalendas nouembris anno Domini .MCCL. primo.

Sig+num Petri de Rouira, sig+num Guilielme uxoris eius, sig+num Esquerdi, filii eorum, sig+num Ferrarrii de Crudiliis, sig+num Dulcie eius matris, sig+num Ferreronii, filii eius, qui hoc firmamus. Sig+num Guilielmi de Roca, de Episcopali. Sig+num Berengarii de Podio, de Episcopali. Sig+num Bemardi Seguerii de Colonico.

(s. man.) Amallus de Sancto Martino, qui hoc scripsit mandato Bemardi de Uicco, publici Gerunde notarii. Ego Bemardus de Uicco, publicus Gerunde notarius, subscribo.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 316-318